

gloriosi. De cetero nos et totum ecclesie sancte negocium vestris deuotis orationibus commendamus/orantes et ipsi ut omnipotens pater in cuius estis nomine congregati ordinatioes et opera vestra in beneplacito suo disponat/et vos pariter ac subditos fratres ad spiritualia iugiter incrementa pmoueat. Adhuc qui predictum Clareuallensem abbatem pro ineuitabili necessitate promoueri de pacis ab aduentu capituli durimus retinendum/cum a vobis petimus haberi excusatum/sicut et de ipso Cisterciensem in patientia vos sustinere rogamus si forte contigerit/et cum pro tanta necessitate celebrato capitulo reuocemus. Datum Beneuentem. xiiij. kl. Augusti.

**S**criptum fauorabile Frederici imperatoris ad abbates ordinis Cisterciensem in capitulo congregatos in commendatione eorum et ordinis /petentem in eorum fraternitate recipi/et se defensorem ordinis declarando.

**V**enerabilibus In christo patribus et amicis dilectissimis omnibus abbatibus Cisterciensem ordinis .s. dei gratia Romanorum rex semp augustus et rex Sicilie. Salutem in domino/et ad omne beneplacitum ipsorum paratum et expositum. Si iuxta veritatis vocem ubi duo vel tres congregati fuerint in nomine domini nostri iesu christi ipse in medio eorum est/quid credendum est ubi non solummodo duo vel tres sed tot nobiles athlete christi/tot excelsae coluene ecclesie sue in nomine suo imo ad honorem nominis sui de diuersis mundi partibus coadunati sunt et congregati nisi quod ipse in medio vestrum habitat et spiritus suus

quē in vos ipse transudit/ et sanctissima pectora vestra seipso  
 inflammavit. De qua igitur re/ succensi flamma caritatis/ p̄sen-  
 seritis certissime obtinebitis et fiet vobis. Et quicquid postula-  
 ueritis patrē in nomine dilectissimi filij sui domini Jesu dabit  
 vobis affluenter et non improperabit. Credimus enim imo vere  
 scimus quod tanta est sanctitas huius reuerendi ordinis tanquā est  
 placens tanquā suaue et acceptabile holocaustum orationum ve-  
 strarū quod ei quotidie offertis sub carnis vestre maceratione  
 et mortificatione quod omne id quod a creatore nostro duxeritis pe-  
 tendū cum pius ipse sit et promptus ad benefaciendū/ obtine-  
 bitis a multitudine miserationū suarum. Est etiā fides nostra  
 nō vtiq̄ parua/ quod hic mundus qui lubricus et immūdus est et in-  
 maligno positus/ orationibus vestris sustentatur/ et a facie fu-  
 rois illius tremendi iudicis/ cuius irā peccatis nostris accen-  
 dimus defensatur/ auertendo suā quā meremur indignationē  
 Cum igitur hoc firmissime credamus quod ab ipso patre miseri-  
 cordiarum pijs orationib⁹ vestris impetretis quicquid ab ip-  
 so in nomine vniigeniti filij sui humiliter postulauerit/ nos qui  
 peccati pondere recognoscimus oppressos nos esse/ omni humi-  
 litate/ omni deuotione ab vniuersis vobis et singulis qui in no-  
 mine christi hic cōuenistis/ petimus et obsecramus omnium pre-  
 cum instātia quatenus in fraternitatē vestram nos recipiētes/  
 et in consortiū sanctissimū orationū vestrarum nos colligentes  
 speciales creatori nostro preces effundere dignemini/ vt gratia  
 sua misericorditer in nobis delectet et emendet quicquid hacte-  
 nus cōmisimus ex humana carnis infirmitate/ et in his que si-  
 bi placita sunt nos confirmare dignetur. Et licet peccatores si-  
 mus/ cum tamē per ineffabilē misericordiam Romani imperij  
 gubernacula suscepimus/ det ipse nobis vestro pio interuentu  
 spiritū iudicij et veritatis vt sic sub nobis regatur imperiū et dis-  
 ponatur vt ad laudem et gloriā nominis sui sancta sua ecclesia  
 quā in ara crucis sanguine suo redemit/ pacis gaudeat optata  
 tranquillitate/ et nos post decursum temporalis hui⁹ imperij/  
 vna vobiscum ad imperiū sine fine mansurum peruenire pos-  
 simus/ et ipsum videre in decore glorie sue qui pro nobis hu-

illis et despectus fieri non desperit. Et quia hoc timore merito-  
rum nostrorum obtinere formidamus/pius orationibus vestris  
hoc consequi posse speramus et optamus. Ceterum quia signum vi-  
uifice crucis die nostre coronationis ut labore et studio nostro ter-  
ra sancta/terra illa quam calcauerunt pedes domini terra illa  
in qua dominus salutem omnium nostrum operatus est a ma-  
nibus inimicorum crucis christi/qui eam violenter detinent ca-  
piatur/supliciter petimus ut vestris sanctissimis orationibus  
desiderium nostrum compleatur. Adhuc quia recognoscimus quia  
omnino ea que diuina clementia circa nos et in nobis misericor-  
diter et miserabiliter operata est per dominum et patrem nostrum sum-  
mum pontificem sicut per vicarium et ministrum suum dignata est ope-  
rari petimus humiliter et deuote ut quod ad persolendas debitas  
gratiarum actiones per tantis beneficiis/nos ipsos iudicamus in-  
sufficientes/vos vice et loco nostro hoc apud ipsum velitis piis-  
simum orationibus vestris promoueri/ultimo orationibus vestris  
nos recomendantem scire vos volumus quod omnibus diebus no-  
stris huius sanctissimi ordinis defensores esse volumus et per  
omnia facta sua tanquam nostra propria promouere. Datum apud  
sanctum Mabo:em. xij. kl. Septembris. Indictione. iij.